

NITTARSAATEQQITAQ: Oqaasiliortunut allatsi

Oqaasiliortunik sullissinermik taaguusersuuserinermillu akisussaafilek

Oqaasileriffik Nuummiittoq fuldmægtigimik, siunnersortimik AC-fuldmægtigimilluunniit pissarsiorpoq Oqaasiliortunut allatsitut atuuffeqartussamik. Atorfik piaartumik immikkulluunniit isumaqatigiissuteqarnikkut inuttassarsiuunneqarpoq.

Ilinniarsimaneq misilittakkallu naapertorlugit fuldmægtigit, siunnersortitut imaluunniit AC-fuldmægtigit atorfinittisneq pissaaq.

Atorfik pillugu

Oqaasiliortunut allatsitut Oqaasiliortunik sullissineq kalaallisullu oqaatsinik suliaqarneq pingaarnertut suliassaapput.

Suliassatit ilaatigut makkuussapput:

- Allatseqarfiup Oqaasiliortunik sullissineranut atatillugu suliassanik isumaginninneq, ilanngullugit Oqaasiliortut ataatsimiinnissaannik, suliassaannik aalajangiiffigisassaannillu piareersaanerit.
- Ataatsimiinnernit imaqarniliornerit Oqaasiliortullu aalajangiiffigisimasaannik malitseqartitsinerit
- Oqaasilerinermik taaguusersuuserinermillu suliaqarneq
- Kalaallisut oqaatsit aallutaralugit nalunaarsuineq misissuinerlu
- Suliassat kalaallisut oqaatsinut, naggueqatitta oqaasiinut Avannaamioqatigiinnilu oqaatsinut tunngasut pillugit allanik suleqateqarneq
- Oqaasileriffimmut avataanit apeqqutinik akissusioqataaneq

Atorfik namminersorluni suliaqarfiuvoq aammalu suleqatinik allanillu suleqatigisanik qanimut suleqateqarfiusarluni.

Piginnaasassat

Naatsorsuutigaauput:

- Oqaatsit pillugit ilisimatusarnermut tunngasumik ilinniagaqartutit
- Kalaallisut oqaatsit pillugit ilisimasaqarluartutit taakkuninngalu suliaqarnermik takussutissartalimmik misilittagaqarluartutit
- Ilisimatusarnermi misissuariaatsinik periutsinillu ilisimasaqartutit
- Oqaasilerinermik taaguusersuuserinermillu suliaqarnermik ilisimasaqartutit
- Namminersorsinnaasutit, aaqqissuussaasumillu sulisinnaallutillu misissueqqissaarsinnaasutit
- Piumassuseqarlutit akisussaafilem tigusisinnaasutit

Piumasaqaataavoq oqaatsinik ukuninnga piginnaasaqarnissat:

- Kalaallisut oqaatsit ilitsoqqussaralugit imaluunniit taamatulli allassinnaalluarlutillu oqalussinnaalluarlutit
- Qallunaatut
- Tuluttut

Neqeroorutigaauput

- Kalaallisut oqaatsinik ineriartortitsinissaq nalunaarsuinissarlu siunertaralugit suliffik immikkut ilisimasalittut suliaqarfiusoq
- Oqaasilerinermi taaguusersuuserinermilu ineriartortitsinermut peqataaneq
- Suliffeqarfik suliassanik siammasissunik suliassalik suleqatillu pikkorissut

•Suliffik suliat tungaasigut ineriartorfissaqarluartuq
Sulinermi piffissaq sapaatip-akunneranut nalunaaquttap akunneri 40-t.

Oqaasileriffik pillugu

Ilinniartitaanermut, Kultureqarnermut, Timersornermut Ilageeqarnermullu
Naalakkersuisoqarfiup ataani ingerlatsivik inatsisit kalaallit oqaasiinut tunngasut
tunngavigalugit suliassanik nalunaarsuinermit, ineriartortitsinermit paasissutissiinerimullu
tunngasunik ingerlatsisoq. Annertunerusumik nittartakkami www.oqaasileriffik.gl-imi
atuarit.

Oqaasiliortut pillugit

Oqaasiliortut inissisimanerat, suliassaat atuuffiilu Oqaasiliortut pillugit Inatsisartut
inatsisaat nr. 5, 1. juni 2017-imeersumi allassimapput.

Paasissutissat annertunerusut

Atorfik pillugu annertunerusumik paasisaqarusuttut saaffiginnissinnaapput, uunga:
Beatrine Heilmann, Oqaasileriffimmi pisortaq (behe@oqaasileriffik.gl, tlf.: +299 38 40 61).

Qinnuteqarnissamut killigittitaq

Qinnuteqaat, ilinniarsimanermut uppersaat CV-lu tiguneqareersimassapput:
pingasunngorneq 30. septembri 2026.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi
soraarnermilu angalanissamut akiliunneqarnissamut pisattallu nassiunneqarnerannut
Kalaallit Nunaanni Namminersorlutik Oqartussat kattuffiullu
isumaqatiginnisnaatitaasup attuumassuteqarfigisap akornanni isumaqatigiissutaasut
atorfininnerup nalaani atuuttut naapertorlugit ingerlanneqassapput.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq
Namminersorlutik Oqartussani atorfeqarnermini sulisutut ineqartinneqareersimaguni
sulisutut ineqarsinnaatitaanini tigummiinnarsinnaavaa. Atorfimmut atatillugu ini
atorfeqarnermut tunngavoq, taamaalilluni atorfeqarnerup unitsinnerani
qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaatit kiisalu
paasissutissat allat pisariaqarsinnaasut "Qinnuteqaat nassiuguk" toorlugu nassiutikkitt.
E-mail-ikkut qinnuteqaatinik tigusingeq ajorpugut.